

T.B.M.M

DDC:
YER: 74-453
YIL:
CLT:
KSM:
KOP:
DEM: 74-772

KÜTÜPHANESİ

ژاندارمه نشریات و تالیفات کلیاتندره
قرمزی سرخی

عدد
۵



ژاندارمه تشکیلاتنک

اللی آلتنجی سنه دوریه سی

[۲۶ حزران ۱۲۸۵ / ۲۲ حزران ۱۳۴۱]



محرری :

عموم ژاندارمه قوماندانلی برنجی شعبه مدیر معاونی

قدملی یوزباشی

سرپیل عزت

عموم ژاندارمه قوماندانلی « تدقیق تألیفات و نشریات انجمنجه »
تدقیق ایداشدر .

حق تألیفی مؤلفنه عائددر .

استانبول --- آمدی مطبعه سی

۱۳۴۱

ژاندارمه نشریات و تالیفات کلپاندره

قرمزی سری

عدد
۵



ژاندارمه تشکیلاتک

اللی آلتنجی سنه دوریه سی

[۹/۴۲ حزران ۱۲۸۵/۱۸۹۸ ۲۲ حزران ۱۳۴۱/۱۹۲۵]



محرری :

عموم ژاندارمه قوماندانلی برنجی شعبه مدیر معاونی

قدملی یوزباشی

سرپیل عزت

عموم ژاندارمه قوماندانلی « تدقیق تالیفات و نشریات انجمنجه »
تدقیق ایدلشددر .

حق تالیفی مؤلفنه عائددر .

استانبول — آمدی مطبعه سی

۱۳۴۱

ژاندارمه تشکيلاتنک اللى آلتنجى سنه دوريه سى

[۲۲ حيزران ۱۳۴۱]

تورکيه دولت تشکيلاتنده عسا کر ضبطيه عنوانيله ايلک ژاندارمه ۱۱ ربيع الاول ۱۲۸۶ و ۲۴ حيزران ۱۲۷۵ تاريخى نظامنامه ايله تشکيل قلنمش اولوب ۲۲ حيزران ۱۳۴۱ تاريخنده اللى آلتنجى سنه دوريه سى اكمال ايتمکده در .

مسلکمزک ياريم عصرى متجاوز اولان بوماضيسنک اخلافه منع مباحاة اوله بيله جک و تقدير و حرمتله ياد ايديله جک بر ماهيق ، شرفلى و بارلاق برجهتى يوقسه ده نظر عبرت و انقباه ايله تدقيق ، تتبع و استفادة اولنه جق پک جوق و پک مهم صفحاتى واردر . بو اعتبارله بو اللى آلتى سنه نك توده ، توده بريکديردىکى طبقات ظلام و نسيان آلتنده قالمش اولان (مسلکمزک صورت تشکلى) ، (مختلف دورلرى) ، (عدم موفقيتى) ، (تدنى و ترديسى اسباب و عوامل) و (بزه و اصل اولنجه يه قدر تعقيب ايتديکى سير و استقامتى) حقنده بو سنه دوريه مناسبيله ژاندارمه تشکيلاتنک بر تاريخجه سنى يازمى موافق کوردم .

ماضى ، غننه ، اعتياد اويله قوتلى عامللر درکه ؛ انسانى هيچ حس ايتيرميه رک تحت تأثيرلرنده بولندير لر . فى الحقيقه ماضى ايله حال آراسنه چليک برديوار چکيلمک امکاني يوقدره . حال ، ماضينک دوامندن و استقبال ايسه حالك تماريسندن عبارتدر . وشه سزدرکه ، هر مسلک آز جوق ماضيسنک تاثيراتنه تابع اولمقدن قورتيله ماز . آنجق ؛ انقلاب دينيان بويوک ، معشرى و اجتماعى انقلابلر و حادثلر عمومى حياتنک بو طبيعى اولان سيروکذارشنى رفتار و مشاورينى اودرجه تبديل و تحويل ايدر لرکه ؛ وجوده کلن کلمکده

اولان ترقیات بشریه ، تاریخلرک جراسنی بیله دیکشدرن بو معظم حرکتلرک نتایجی و محصول فیضیدر . آناطولیده عثمانلی دولتک تأسسندن صوکرأ شمدییه قدر تفرعانه عائد یاپیلان اصلاحات حرکتلری برر انقلاب صایله ماز . بلکه صوکرأ حقیقی انقلابی حاضرلایان و تسهیل ایدن فائده لی حرکتلر عد اولنه بیلیر . اصل شعورلی و مفکوره لی انقلاب « جمهوریت انقلابی » درکه بونک عظمتی و قایمک ایچنده بولندیغمز ایچون حقیقه و شمولیله احاطه ایده میوروز . بو انقلاب ، بزى شمدییه قدر ترقیدن آلیقویان بوتون اسباب و عوامل ایله بالخاصه ماضی و ماضیرستلک ذهینتیه اولان محاسبه مناسبازی قطع ایتمکده در . ماضی ، تاریخ کتابلرنده و موزهلرده مطالعه و تدقیق ایدیلیرسه شایان استفاده در . ماضی بی روحزده ، حسابمزده ، تلقیاتمزده یاشاتمی و افعال و اعمالمزی ماضینک بلکه ، اسکی زمان ایچون جوق فائده لی اوله بیله جک دساتیر موضوعه سنه توفیق و تطبیقه قالدیشمق هر کون اوکزه آجیلان یکی حیاتک ، یکی یکی ایجاباتنک جوق چتین اولان مبارزاتنده موفقیت تأمین ایده مز . جمهوریت انقلابی ملی ، مدنی ، سیاسی رشد ، ادراک و شعورک مادی برافاده سی اولدیغندن دولت مؤسسه لرنده و علی العموم فردی ، عائلی ، زمروی حیات و مساعینک هر صفحه سنده تأثیرینی کوستر مکده در . و مطلقا کوستره جکدر . اجتماعی ، علمی ، فنی و مسلکی تشککلر ، شعورلی بر دوره و اصل اولنجه منشألرینه دوعرو تدقیقانه باشلار ؛ کچدکلری قراکلی یوللری ایجه ایجه تدقیق ایدرک کندیلرینه سالم و متین بر وجهه و بر استقامت و یرمک احتیاجی حس ایدرلر .

ایچنده بولندیغمز جامعه ملیه و مدنیه و سیاسیه میاننده ژاندارمه دهده مسلکی شعورک ، حقیقی انتباهک ایلک حسلری و ایلک حرکتلری باشلامش اولدیغنه شبهه یوقدر . صوکرأ زمانلرده صحیفه لرینه علمی و اجتماعی هر درلو حر و مفید فکرلرک یازیلدیغی ژاندارمه مجموعه سی ، و نشر ایدلمکده اولان آثار و تألیفات مسلکیه ، مسلکک فیض و ترقیسنه عائد خطابه لر ایچون مؤسس بو کرسیلر ، وانتباهک کوچوک فقط ؛ جانی برر شاهدی و نمونه سیدرلر .

* *

عساکر ضبطیه تشکیلاتی : ۱۳۴۱ یکچریلرک العاسی و ۱۳۵۵ تنظیمات خیریه نک اعلانی اوزرینه بویوک بوشلقلر ، نقصانلر و احتیاجلر حاصل اولان دولت بنیه سنده

یکی عضویت اداره وجوده کتیرلمسی لزومئک نتایج ضروریه سندنر . دها اولیکی دولت تشکیلاتی هیئت عمومیہ اعتباریلہ تماماً عسکری وسفری ماهیتده وشرق سیستمندہ بر مطلقیت اداره اولدیغندن ملکی ، عدلی ، مالی وعسکری کبی آیری آیری بر ترتیب وتصنیفه تابع دکلدی . بو جهتلہ ضابطہ عتیقهده معین ، یکنسوق بر تشکیلاته مالک بر ضابطه اولیوب مأمورین دولتک دائره لری خلقندن وبرقسم عسکرلردن مرکب بولونیوردی . هر بویوک مأمورک وهر متغلبه مک کنندینه مخصوص بر قوه ضابطه بواجرائیه سی واردی .

ضابطہ عتیقهدهن باشلیجه لری بوجه آتیدر :

مقر حکومئک [استابولک] انضباط وآسایشی تأمین ایله مکلف ضابطہ عتیقه مأمورلری :

۱ — چاوش باشی : ارکان دولت مرتبه سنده بویوک بر ضابطه مأموری دها دوغریسی ضبطیه ناظرلغنی شورای دولت رئیس لکنی وشریفات عمومیہ مدیریتی نفسنده ومأموریتده جمع ایتیش بر ذات ایدی . اعلاماتی موقع اجرایه وضع وکندی رتبه سنه قدر اولان مأمورینی حبس وتوقیف وسفرانک حضور حکمداری په قبولنده برابر بولمق وآلایرده حکمدارک اوکنده یورومکله مکلف ایدی .

۲ — بوستانجیلر : سرایرله مشتملاتئک محافظه امنیتی وقره دکنز بوغازیلہ مرمره ساحلارینک انضباط وآرایشنه مأمور اولوب حکمدارلق مقامندن صادر اوله جق اعدام جزالرینک انفاذیلہ مکلف ایدیلر . قوماندانلری (بوستانجی باشی) ایدی .

۳ — عسسلر : کیجه ضابطه سی اولوب کیجه لری سووقلرده وشبهلی محللارده دوریه کزملک وظیفه سیله مکلف ایدیلر . قوماندانلری (عسس باشی) ایدی .

۴ — بوجک باشی : ضابطه خفیه مک رئیس اولوب معیتده بر طاقم [تبدیل مأمورلری] سیویل خفیه لراستخدام ایتک صورتیلہ خرسزلی ویان کسینجیلری تعقیب ایله مکلف ایدی .

۵ — صوباشی : سواقلرك انتظام ونظافته ، مبانينك معموريتنه نظارتبه مكلف ، بر نوع ضابطه بلديه مأموری ایدی .

بونلردن باشقه يکيچرى آغاسیده استانبولك انضباطنه مأمور اولديغندن غير معین زمانلرده سواقلرده دولاشیر وآرقه سندن کلن فالاقالی ودکشکلی آدملری واسطه سیله اهالی واصنافدن قباحتلیره درحال جزا ایدردی .

ایالاتده کی ضابطه عتیقه مأمورلری :

۱ — سرحد قولی : حدود جوارنده کی ایالات والیرینک معینی اولان سواری عسکرلری

۲ — طوپراقلی : علی العموم ایالات والیرینک معینی اولان افراد عسکریه

۳ — برلی قولی : امور ضابطه ده مستخدم پیاده افرادی

۴ — کوکالی
۵ — بسیلی

۶ — دلیل (دلی)
۷ — حایطه

۸ — لوند : بحریه سلاح انداز افرادی اولوب ساحلارده کی مرکز بحریلرده [قبودان پاشا ایالتلرنده] انضباط وآسایشک تأمیننه مأمور ایدیلر . لدی الایحاب سفائن حربیه ده سلاح انداز اوله رق استخدام اولنورلردی .

۹ — سر چشمه : ایالات مرکز لرنده بولنان اکبویوک ضابطه مأموری

۱۰ — تفشکچی : ایالات والیریه سنجاک بکارینک ضابطه ذاتیه لرندن اولوب

(برلی قولی) پیاده سنک عزب وسکبان دینیلن صنفلرینک

یرینه قائم اولمشدر . قوماندانلری (تفشکچی باشی)

ایدی که (سر چشمه) لرك یرینه ایالاتده اکبویوک ضابطه

مأموری عد اولنورلردی .

مقدما ، مملکت ایالت و سنجاقلره تقسیم ایدلش اولوب ایالتلرده وزیر ، بکر بکی و میر میرانلر ؛ سنجاقلرده میرلوالر و بکر بولنوردی . وزرادن غیریسنه علی الاطلاق امرا دینیلوب بونلر بولندقلری محملرک هم اک بویوک ملکیه مأموری و همده عسکری قوماندانلری اولدقلرندن حرب وقوعندهده معیتلریله برابر حربیه اشتراک ایدرلردی . بناءً علیه ، بو ضابطه عتیقه مأمورلریده عینی زمانده عسکر عد ایدلمکده ایدیلر . بونلردن هر الی نفری بر (بایراق) تشکیل ایتدکده و بایراقلرده بر (کوکلی ضابطی) و (دلیل باشی) [که خلق آراسنده (دلی باشی) دییه معروفدر] قوماندا ایتدکده ایدیلر . دولتک هر درلو امور و معاملات و تحصیلات و سائرده بونلره ایفا ایتدیریلردی .

[بو بابده ده افضله تفصیلات آلتیق آرزو اولنورسه دارالفنون مدرسلردن احمد شعیب بک مرحومک حقوق اداره نامنده کی اثرنده ایضاحات واردر]

* *

یکچیریلرک الفاسندن اول وجوده کتیرلمک ایسته نیلن (نظام جدید عسکرلری) بوستانخیلر تشکیلاتنه الحاق ایدلمشدی . بالآخره ۱۲۴۱ ده یکچیریلرله برابر هیئت عمومیه سنک الفاسی اوزرینه (عسا کر منصوره محمدیه) نامیله اردو تشکیلنه باشلانیدینی صرهدده امور ضابطه ایچوندده (عسا کر ضبطیه) عنوانیله ضابطه عتیقه دن اولان دلیل (دلی) و حایطه و تفنکجیلردن یکی بر صنف ضابطه مأموری تشکیلنه باشلانمشدر .

بدایه استانبولک امور ضابطه سنه نظارت ایتک اوزرنده تشکیل قلنان (ضبطیه مشیرتی) ۱۲۶۳ تاریخنده احداث وعسا کر ضبطیه نظامنامه سی ایسه ۱۲۸۵ تاریخنده نشر ایدلش اولدیفنه نظراً یکچیریلرک الفاسندن صکره اوزون مدت مملکتک اسکی حالده اداره ایدلیکی آکلاشمقدهدر . [ایلک ضبطیه مشیری په په محمد پاشادر] فقط ، هر حالده عسا کر ضبطیه نظامنامه سنک نشرندن اول ضبطیه تشکیلاتنه باشلانیدینی محققدر . ۱۲۸۳ تاریخنده نشر اولنان عسکری جزا قانوننامه سنک برنجی ماده سنده موجود اولان (تحت انتظامه آلتیش عسا کر ضبطیه) قیدی تحت انتظامه آلتامش عسا کر ضبطیه مکده موجود بولندیفنه دلیل اولدینی کی عسا کر ضبطیه نظامنامه سنک موجود ضبطیه لرک تنسیق و اصلاحی مقصدیله یازلش اولدینیده

و انحصراً کورلمکده در . بونکه برابر وثائق موجوده رسمیه داده عسا کر ضبطه نظامنامه سنک نشردن مقدم روم ایلی و سوریه جهتلرنده اون اوج آلائی و اناطولی جهتمده اون بیک قدر ضبطه سنک استخدام ایدلش اولدینی محرردر . تشکیلات ملکیه ۱۲۶۵ تاریخده وجوده کتیرلره رک اسکی ایالتلر ولایتلره و ولایتلر ، سنجاقلره و سنجاقلر قضالره و قضالرده ناحیهلره تقسیم ایدلش والی، متصرف، قائممقام و مدیرلرده تعیین قلمنش اولدیغندن هر حالده بونلرک ۱۲۸۵ تاریخده قدر امور ضابطه ده استخدام ایتدکری کیمسلر بولنش اوله جغندن و ۱۲۷۲ تاریخلی فرماندهده بر چوق قوانین و نظاماتک وضع و نشری امر ایدلدیکی صروده منتظم ضبطه تشکیلاتکده وجوده کتیرلسی درمیان ایدلش بولدیغندن عسا کر ضبطه نظامنامه سنک نشردن مقدم ضبطه تشکیلاتک موجودتی محقق اولسنه رغماً ضبطه تشکیلاتک مبدائی نظامنامه نک تاریخ نشری اولان ۹۶ حیزران ۱۲۸۵/۱۲۸۶ اوله رق قبول ایتمکی دها موافق بولدم .

بک قیمتی و مقتدر ژاندارمه ضابطانندن اولوب کندیسنندن بویوک خدمتلر بکله نیلیدیکی بر صروده وفات ایدن قائممقام ندیم بک مرحومک یازدینی و بر قسمی ۳۳۵ سنه سنده نشرینه باشلانیلان (ژاندارمه صداسی) نامندکی مجموعه ده درج ایدلش اولان (ژاندارمه تاریخی) نامندکی اثرده ، ژاندارمه تشکیلاتی بش دوره تقسیم ایدوب برنجی دوری : « عثمانلی دولتک بدایت تأسسندن عسا کر ضبطه تشکیلاتنه قدر ، قبول ایتمکده ایسهده بو دورده اساسلی بر تشکیلاته تابع و یکنسق بر قوه ضابطه موجود اولدیغندن ژاندارمه تشکیلاتک مبدائی عسا کر ضبطه نظامنامه سنک تاریخ نشری اوله رق قبول ایتمک ضرورتی درکاردر . عسا کر ضبطه تشکیلاتی تمامیه یکی بر سیستم و یکی بر طرز اداره نک اثری عد اولته ماز . دلیل ، حایطه و تشکیلاتک الدینی یکی بر عنوان ایسهده عسا کر ضبطه نظامنامه سی ؛ اشبو تشکیلاتی عموم ملکته تشمیل و یکنسق بر حاله افراغ و دولتک شخصیت معنویه سنه عائد بر وضعیه کتیرمکده اولدیغندن تطبیقاتی هر نظرز و شکلده اولورسه اولسون عسا کر ضبطه نک بر قوه ضابطه و آوروپا دولترلرنده کی معادلی اولان بر ژاندارمه هیئتی اولدینی درکاردر . عسا کر ضبطه نظامنامه سیله بر موجودیت رسمیه اکتساب ایدن بو تشکیلات بدایت تشکیلندن نهایتنه قدر هیچ اثر انتظام و موفقیت کوسترمهده . بونک باشلیجه سبی،

يکچېرلرک الغاسی ویکی یکی تشکیلات اجرا وقانونلر ، نظامنامهلر نشر ایدلش اولسنه
قظراً دولت واداره ذهینتک دکیشمه مش اولسیدر .

عصرلردنبری بطندن بطنه استقال ایدن سوء اداره، ارتکاب وارثانک منبجی سرایلر
اولدیغندن اونلر باقی قالدیقه اداری اصلاحاتک نتیجه سز قالدیجی محقق ایدی .
يکچېرلرک الغاسی دییه تاریخمزدہ معروف اولان حادثہ ؛ مدرسلرک تکیہ لرہ وصوفتا
صنفک بکتاشیلرہ ودوریشلرہ قارشی غلبه سندن باشقه بر شی دکلدر . دولتک باشدیجه
اسباب تندیات وانخطاطندن اولان قلندرک، قایغوسزلق ودرویشلک نفوذوموقع حاکمتی
صوفیلرہ وصوفتالره ترک ایتشدی . بو امتیازلی وجاهل صنفده دوریشلردن آشای
قالیر بر حالده دکلدی . او ائنادہ مقداری پک آز اولان منور وحیتلی زمرہ بو ایکی
قوتلی صنفک مبارزه سندن بالاستفاده ممکن اولهیلن اصلاحات اساسلرینی وضع ونشره
چالیشیوردی که ، بوتون بو تشکیلات : قانونلر ، نظامنامهلر، بو حیتلی زمره ک اثر
غیرتی ایدی .

*
**

عسا کر ضبطیه نظامنامه سی درت فصل اوزرینه مرتبدر :

برنجی فصل : عسا کر ضبطیه نک صورت ترتیبی

ایکنجی فصل : ضبطیه ضابطان ونفرائتک مخصصات ، اسلحه والبسه سی

اوچنجی فصل : عسا کر ضبطیه ضابطانک اصول تعیین واتخابی احتوا ایتکده در .

بو نظامنامه یه نظرآ : هر ولایته بر ضبطیه آلاپی، هر سنجاعه بر ضبطیه طابوری،

هر قضایه ده بر ضبطیه بلوکی ترتیب ایدلمکده وبلوکلرده طاقلره اقسام ایتکده در .

وسعی اولیان سنجاقلره بلوک وقضالرده طاقم ویرلمکده در . آلاپی قوماندانلرینه

» آلاپی بکی (طابور قوماندانلرینه (طابور آغاسی (بلوک قوماندانلرینه (بلوک آغاسی)

وطاقم قوماندانلرینه ده (قول وکیل) دینلمکده در . نظامنامه ده قره غول تشکیلات

وترتیباتی بو قدر .

آلایلرک معاملات حسابیه سی (اداره امینی) وطابورلرک امور حسابیه سی (حساب

امینی) طرفندن تدویر ایدلمکده در .

مرتبات، پیاده و سواریدن عبارت اولوب پیاده بلوکلری یوز و سوازی بلوکلری آلتش نفر در .

بلوکلرده (بلوک آغاسی) (بلوک آغاسی معاونی) (ژورنال امینی) عنواننده اوج ، طاقلرده ده (قول و کیلی) (قول و کیلی معاونی) عنواننده ایکی ضابط بولمقده در . قول و کیلی و قول و کیلی معاونی شمیدی ژاندارمه کوچوک ضابطانه معادلدرلر . [۱۲۸۳ تاریخنده نشر اولنان (اصول محاکمات جزاییه قانونی) ضابطه عدلیه مأمورلرینی تعداد ایدرکن (ضبطیه ضابطانی) دییه عمومی بر افاده استعمال ایتمکده در . بو تعبیره قول و کیلی و قول و کیلی معاونلرینکده داخل بولندینی شبهه سزدر . چونکه ضبطیه نظامنامه سی بونلری ده ضابطاندن عد ایتمکده در . بالاخره ژاندارمه نظامنامه سی یاپیلیرکن بو ایکی رتبه معادلی باش چاوش و چاوش اوله رق کوسترلدیکندن و نظامیه ده باش چاوش و چاوشلر سلاح اندازدن معدود بولندیفندن یا بر ذهول اثری و یا خود سلاح اندازه او زمان قیمت ویرلیدیکندن ضابطه عدلیه مأمورینندن عد ایدله مشلدر . حالبوکه ؛ عساکر ضبطیه نظامنامه سنک صراحتنه نظراً وسعی اولیان قضالرده قول و کیلری استخدام اولمقده در که رتبه اعتباریه دکسه ده موقع اعتباریه شمیدی مستهل طاقم قوماندانلرینک معادلی اولملری لازم کلیر]

قول و کیلری و قول و کیلی معاونلری آلا ی بکلرینک و بلوک آغالرینه قدر (قول آغاسی داخل) ضابطان والیرک انتخاب و تصویبیه مأموریتلری اجرا اولوب اوراق انتخابیه لری ضبطیه مشیریتیه ارسال و طابور آغاسی ایله آلا ی بکلرینک و اداره امینلرینک مأموریتلری ده فرمان حکمداری ایله اجرا اولنور عساکر ضبطیه نفراتنک مدت خدمتلی ایکیشرسنه اولوب قابل تمدیددر . احوال صحیه سی مساعد اولانلرالی یاشنه قدر خدمت ایده ییلور . اوتوزسنه خدمت ایدن ضابطان تقاعد معاشنه کسب استحقاق ایدر .

پیاده و سوازی ضبطیه لری آیری آیری بلوکلر حالنده اولوب سواریلرک حیوانلری مال ذاتیلریدر . سورا ی ضبطیه ضابطانی [۱] و سوازی افرادینک حیوانلرینک یم بدلری

[۱] روم ایلیده تنسیق کورهن ژاندارمه ضابطانک آناطولییه تویزی ائساننده ۳۲۵ سنه سنده تعیین ایدلر یکم ایزمیت ژاندارمه طابوری ضبطیه تشکیلاتی قادرولری محافظه ایدییوردی . ایزمیت ژاندارمه طابورینک برنجی سوازی بلوک ملازمکننده کوسترلک اوزره طابور رفاقت ضابطلکننده استخدام ایدلشدم .

طرف حکومتدن ویرلکده در . معاشر ثابت و معین اولوب بعضاً ایکی ولایت ضبطیه ضابطاسنک معاشری بربرینه توافق ایتمکده در .

عسا کر ضبطیه نک مرجعی ضبطیه مشیرتی اولوب [بالآخره عسا کر ضبطیه مقام سرعسکری به ربط ایدلمشدر] امور و معاملاتن ضبطیه مشیریتده متشکل (مجلس فرقه ضبطیه) طرفندن ایضا ایدلمکده در . عسا کر ضبطیه نک وظائف و خدمات مخصوصه عسکریه لری ضبطیه مشیریتجه بر تعلیماتنامه ایله تصریح ایدلدیکی کبی وظائف ملکیه لری ده آروجه بر تعلیماتنامه ایله تصریح اولمشدر . عسا کر ضبطیه نک وظائف ملکیه لری نه دائر اولان تعلیماتنامه دخی ۱۱ ربیع الاول ۲۸۶ و ۲۹ حیزران ۱۲۸۰ تاریخلی اولوب عسا کر ضبطیه نظامنامه سی کبی درت فصل اوزرینه مرتبدر .

برنجی فصل : عسا کر ضبطیه نک وظائف ملکیه لری .

ایکنجی فصل : عسا کر ضبطیه نک هیئت مجتمعه سنک مخصوصاتی .

اوچنجی فصل : عسا کر ضبطیه اداره سنه متعلق معاملاتن صوراجرائیه سی .

دردنچی فصل : عسا کر ضبطیه نک اداره امور حسابیه سی احتوا ایتمکده در .

بو تعلیماتنامه یه نظراً (عسا کر ضبطیه امور ملکیه مأمورین و خدمه سندن) عسد ایدلمش و دولتک (مصالح ملکیه ، مالیه و ضابطیه عائد اولق اوزره مأمورین ملکیه طرفلرندن کنیدیلرینه امر و حواله اولنان ایشلری نظام و قاعده سنه توفیقاً اجرا ایتمکده) مجبور طو توشلرددر .

مکتب ملکیه نک تأسسندن اول مأمورین ملکیه نک هیچ بر مکتب و منشای اولمدیفندن والیر ، متصرفلر و قائممقاملر و مدیرلر اکثریتله اکار و رجالک کتخدالری ، معیت کاتبلری ویا استانبولدن سائقه ضرورتنه طشریه کیتمکه مجبور اولان عجزه مأمورین ویا محلی متنفذان و متغلبه لرندن عبارت ایدی . دلیل ، حایطه و تفکجیلرک معدلی اولان عسا کر ضبطیه مبدأ تشکلندن اعتباراً سوء انتخاب ایدلمشدر . اشقیایی تأذیب ایچون دیگر بر قسم اشقیای ضبطیه لکده استخدام ایدلمش و ضبطیه لکده ایقاع جرم و مظالم ایدنلر شقاوته سلوک ایلش بولندیفندن هان همان آرالرنده عموم و خصوص مطلق واردی دینله بیلور . او زمان ایچون پک معروف و پک آلاستیقی اولان (حکمت اداره)

و (حکمت حکومت) دستوری ایله عسا کر ضبطیه تشکیلاتی اوپله بر اعجوبه حاله ککشدی که؛ هیچ بر یرده ولو که موضعی اولسون منتظم بر ضبطیه جزؤ تامنه تصادف ایدیه مه مکده ایدی .

هر کلن والی کندی آدمربنی، دائره سی خلقی ضبطیه یازد بر مقدمه وانفصالی وقوعنده بو ضبطیه لر یکی کله جک والی ایچون باشلی باشه بر غائله تشکیل ایتمکده ایدی .

هر نه قدر عسا کر ضبطیه نظامنامه سی ضبطیه ضابطانک او قور، یازار اولسنی امر ایتمکده ایدیه ده بالعکس ضابطانک قسم اعظمی تماماً امی ایدی . هر درلو تعلیم و تربیه ، ضبط وربطن واستظامدن محروم اولان بو تشکیلات ، منتظماً معاش و یریه مه مه سی تأثیریه خلقه تحملسوز بر یوک اولویوردی . آمر ایله مأمور آره سنده کی مناسبات او وقتک ذهینته کوره افندیلک و خدمتجیلک ماهیتده اولدیغندن ترفیع ، ترقی و تفضیل ایچون ده معیارلیقت؛ آرقه سی اولق ، کوزه کیرمک ودالقا و قللق ایتمکدن عبارت بولندیغندن عسا کر ضبطیه اکثریتله بو قبیل شریر لر آئنده ایدی . هیئت عمومی اعتباریه اداره بر تذبذب عبارت اولدیغندن طبیعتیه ضبطیه لرده ده شمولی اوله رق بو تذبذب داخل ایدیلر . و حکومتک واسطه اجراییه سی اولدقلری ایچون خلق نظریده هر فالقندن ضبطیه لر مسئول طو تولقمده ایدی . عسا کر ضبطیه ، اسمندن باشقه هیچ بر اوصاف عسکریه نی حائز دکلدی . بلا قید و شرط مأمورین ملکیه نک امر و خدمته تخصیص ایدلش اولدقلرندن مأمورین و خدمه ملکیه دن ایدیلر .

••

۱۲۹۳ روس محاربه سی و مغلوبتی ملککنده کی سفالت و سوء اداره نی بر قاندها توسیع ایتدی . دولت ، برلین معاهده سیله اصلاحات اجرایی تعهد ایتدیگندن و اصلاحاتده عسا کر ضبطیه نک تنظیم و تنسیقندن باشلانیمسی طبیی بولندیغندن اوروپانک بو یولده مطالبات و قضیقه قارشى نهایت ۱۲۹۴ ده عسا کر ضبطیه نک تنسیقه تشبیه مجبوریت حاصل اولدی .

اوزون مدت متصرفلق و والیکلرده بولنش اولان صدر اعظم سعید پاشا جده امور و اداره دولتک اصلاح و تنظیمی ایچون عسا کر ضبطیه نک کلیاً الغایی و اوروپا

دولت‌نژنده موجود سیستم داخلنده ژاندارمه تشکیلاتی وجوده کتیرلسی اوتنه‌دنبری معین و ثابت بر فکر وقاعت حالنده بولندیغندن سرایک ممانعت شدیدسه‌سنه رغماً اصلاحات خصوصنده‌کی تعهداتغزی ایلری‌یه سوره‌رك مملکتهنده ژاندارمه تشکیلاتی وجوده کتیرمک اوزره انککتره و فرانسهدن بر جوق ضابطلر کتیردی. و بو ضابطلری، قونطوراتورلرله خدمت دولته آلدی. فقط؛ هیئت وکلا میاننده سرایدن تعلیمات خفیه آلان بعض ذوات ژاندارمه تشکیلاتنک اجراسنه بوتون قوتلریله ممانعت ایتمکدن فارغ اولیورلردی. [سعید پاشانک خاطراتنده بو خصوصه دائر تفصیلات موجوددر] بوتون بونلری بیلیمکه برابر سعید پاشا فکرنده و تشبهنده اصرار ایدیوردی. آوروپادن جلب ایدیلان ضابطلرک رفاقتنه جهت ملکیه و عسکرینه دن مقتدر ذوات و یریلرک اول امرده بر ژاندارمه نظامنامه‌سی تنظیم ایتدی‌رلدی که؛ فرانسز ژاندارمه نظامنامه‌سی اساس اتخاذ ایدیلرک وجوده کتیریلان بو نظامنامه جدأ مکمل دینیلرک بر ماهیتده‌در. مذکور نظامنامه ۵ جمادی‌الاول ۹۷ تاریخنده لایحه حالنده طبع و نشر ایدلمشدر.

بو نظامنامه، عساکر ضبطیه‌یه (ژاندارمه) عنوانی و یرمکده و آوروپا دولتلرنده اولدینی کجی ژاندارمه‌یی، تعلیم و تربیه، تسلیحات، تجهیزات، ضبط و ربط، ترتیبات و تشکیلات اعتباریله مقام سرعسکریه‌یه ربط ایتمکده ایدی. نظامنامه‌نک اک زیاده اهمیت و بر دیکي جهت هیئت تفتیشیه‌در. ژاندارمه ضابطان و افرادینک وظیفه و صلاحیتلری بوتون تفرعاتیله تعیین و تصریح ایدلمکه برابر ژاندارمه‌نک وظائف ملکیه، عدلیه و عسکریه‌سی‌ده تثبیت اولتمقده‌در. بالخاصه ضابطان و افرادک اصول انتخاب و تعیینلری ترفیع و ترقیلری قوانین عسکریه‌یه تابع طوتیلرک ژاندارمه‌نک امور مسلکیه‌سنه سیویلرک مداخله‌سی نزع اولنمشدی.

اوزمان آنجق سعید پاشادن باشقه رجال دولت میاننده حرارتلی بر مدافعی اولمیان بو نظامنامه مع‌النأسف تصدیق ایتدی‌رله‌مه‌مش و اکتساب رسمیت ایدمه‌مشدر. ۹۳ مغلویت و پریشانلغنک حصوله کتیردیکي فرصتدن استفاده ایدرک مجلس مبعوثانی بلامدت تعطیل و اصول مشروطیتی البنا و قانون اساسی‌یی حکمدن اسقاط ایله ییلدی‌زده ملتک انکشاف و ترقیاته قارشى بر قلعه استبداد وجوده کتیره‌ن عبدالحمید، جاهل صوفتارک

وعوامك حسیاتی اوقشامق مقصدیله ساخته بر دیندارلق کسوه سی آلتندہ تجدود و ترقی یه بالخاصه آوروپا لیلره قارشى ال آلتدن ممکن اوله بیلن مشکلاتی کوسترمکده ایدی . آوروپا مدینتنک مملکته کیرمسی ، فکرلرک آجیلیمسی استبداد و سلطنت ایچون بویوک برتهلک ایدی بوسیله اصلاحات یاپورمش کبی کورونمک و هیچ برشی یانامق سرای ایچون بر سیاست داهیهانه عد اولونیوردی . بر طاقم دالقاووق ، ریا کار شعور سر و وطن سرلرک طوبولاندینی ییلدیز ، خصوصی تیار و سنده مملکت رجالک و آوروپا لیلرک تقلیدلرینی یاپاراق اکلنیوردی . حرم آغالق دوری بوتون سیاهلنی و فضا حتیله یاشارکن مملکتده حقیقی بر تجدود وجوده کتیرلمسینه اساساً امکان یوقدی . سعید پاشانک تطبیقته تشبث ایتدیکی (ژاندارمه تشکیلاتی) برژاندارمه نظامنامه سی مسوده سی وجوده کتیرلمسندن و بعض ولا یاتده کی ضبطیه آلایرینک ژاندارمه آلای عتوان آلمسندن و ژاندارمه نک جهت عسکریه یه ربط ایدلمسندن عبارت قالدی . او ائنده ضبطیه هیئت قیامیله غافل ، حقایق و دقایق ادرا کدن عاجز و بالخاصه تنسیقات و اصلاحات اجرا سندن - منفعت ماده لرینک خللدار اوله جفی اندیشه سیله - فوق العاده متلاشی و محتاشی ایدی . مأمورین ملکیه ایسه ، شایان دقتدرکه ایی کوتو بر تشکیلات ملکیه پالئش و یکجیریلرک لغوی تارنخنک اوزرندن یاریم عصر کچمش ایکن حالا وزارت ، میرمیرانلق ، بکربیکی ، قیوجی باشی کبی رتبه و القاب عتیقه ایچون ال ، ائک او بوبرلردی . ذهنیت ینه اسکی ذهنیت اداره ینه او اداره ایدی . یالکزنجیع برصورتده بر قاچ مغلوبیت کچیرمش اولمسینه رغماً ینه اک اول کندینی طوبولایان بر وارلق و موجودیت کوستره بیلن اردو اولمشدی .

بو ، اردونک تورکیه دولت تشکیلاتنده بویوک برماضیسی اولمسندن و تورک دولتنده اردونک اصل بولنمسندن زیاده ، اردونک مکتبی اولمسندن ایلری کلکده ایدی . ابتدائی درجه سندن اعتباراً مکتب حربیه یه قدر عسکری مکتبلر بلا اقطاع بر فابریقه کبی ایشلیور . وضایعاتی تلافی ایدیوردی . دیگر هیچ بر مملکت معین بر مکتبی یوقدی . بوندن دولاییدرکه ، یالکز آوروپا دولتلرنده ژاندارمه اردو منسوبیتندن عد ایدلش اولمسندن دکل اوزمان ایچون ژاندارمه تشکیلاتی وجوده کتیره بیله جک قدرت و قابلیتده باشقه بر دولت مؤسسه سنکده بولناماسی حسیله ژاندارمه نک باب سر عسکری یه ربط و الحاقی التزام اولونیوردی .

بر وثیقه تاریخیه اوله رق صدارتدن (سعید پاشا طرفندن) مقام سر عسکریه یازیلان ۶ تشرین ثانی ۱۲۹۵ تاریخی تذکره صورتی عیناً درج ایدیورم:

« اصلاحات مقررہ جملہ سندن اولق اوزره ممالک شاهانہ دہ بولتان عسا کر ضبطیہ نک ژاندارمه اصولہ توفیقاً ترتیب و تشکیلی ضمنندہ باب والای سر عسکر یلرندہ بولتان ولایات ژاندارمه نظامہ سی لایحه لرینک همان اجرای تدقیقاتیہ باب عالیہ کوندرلمسی و در سعادت ملحقاتی امور ضبطیہ سی کما کان [مقرر حکومت تشکیلات جدیدہ دن استتاً ایدیلوردی دیمکدر] ضبطیہ نظارتندہ قالمق اوزره ولایتلر دہ کی عسا کر ضبطیہ نک تنظیمی وجود بولنجہ یہ قدر ولایات عسا کر ضبطیہ سنہ عائد نظامات و معاملاتہ مقام سپہدار یلرندن باقلمسی حقندہ مجلس وکلا قراریلہ متعلق بیوریلان ارادہ سنیه پادشاهی حکم جلیلی ۲ تشرین ثانی ۱۲۹۵ تاریخندہ صوب عالیترینہ یازمش واولبابدہ نظارت مشارالہایہ [ضبطیہ نظارتہ] تبدیلات اجرایی دخی داخلہ نظارت جلیلیہ سی جانب غالبسنہ بیلدیرلمش ایدی . در سعادتده یاسلہ حق ژاندارمه مجلسندہ اجنیلردن بر قاج کیشنک اعضا صفتیلہ بولندیرلمسی و طشرہ لردہ دخی اجانبندن معلم استخدای جملہ مقررآدن اولوب ممالک محروسہ شاهانہ نک بعض جہتلرندہ ژاندارمه تشکیلاتنہ ابتدار اولنش واولجہ قونطوراتو ایلہ خدمت دولته آلتان اجنی ضابطلردن معلم کوندرلمش اولدیفندن اداره مرکزیہ مجلسندہ اجنیلردن بر قاج کیشنک اعضا صفتیلہ بولندیرلمسینک مذکور نظامنامہ نک تقدیمیلہ ارادہ سنیه نک استحصالنندن سوکرہ یہ تعلیق لازم کلیرسده بر منوال محرر ولایات ضبطیہ سنک تنظیمنہ دکین اداره سننک باب والای سر عسکریہ یہ حوالہ سندن دولایی دائرہ ضبطیہ دہ کی مجلس فرقہ ضبطیہ نک دخی شمیدن باب سر عسکریہ یہ نقل ایدلمسی وولایتلر جہ دخی امور ضابطیہ عائد معاملات و مخبراتدہ طرف سامیلرینہ مراجعت قلمسی لازمکلہ جکندن دائرہ عسکریہ جہدہ آکا کورہ اجرات لازمہ یہ ابتدار ایدلمسی اقتضا ایدہ چی ولایاتہ و مستقلاً اداره اولتان متصرفلرہ تبدیلات اجرایی دخی داخلہ نظارت جلیلیہ سنہ حوالہ قلندی بیانیلہ تذکرہ شناوری ترقیم قلندی . »

.*

بو صورتلہ ۶ تشرین ثانی ۲۹۵ تاریخندن اعتباراً عسا کر ضبطیہ (ژاندارمه)

عنوانيله جهت عسكريه به ربط ايدلشدر . امنيت عموميه واستانبول پوليس مديريتى تشكيلاتى پالامش اولديغندن بونلره عائد وظائف كا كان ضبطيه نظارتجه اجرا اولمق اوزره ضبطيه نظارتنده متشكل (مجلس فرقه ضبطيه) (عموم ژاندارمه دائره مركزيهسى) عنوانيله باب سر عسكريه نقل ايديلهرك مقام سر عسكرينك بر شعبه مخصوصهسى حاله كلشدر .

عموم ژاندارمه دائرهسى رياسته : برنجى اولهرق قدامى فريقاندى حاجى حسن پاشا تعيين اولنشدر . بر مدت صوكراده مقام سر عسكريده تنسيقات عسكريه باشلايدىغندن بو ميانده ژاندارمه دائره مركزيهسى دخى تنسيقاته تابع طوتيلهرق ژاندارمه دائرهسى رياست عموميلكنه فریق بيكرپاشا (انكليز) و رياست ثانيه به ميرآلاى مصطفى بك تعيين وميرلوا ويتاليس (فرانسز) و دريغالسكى پاشالرده ژاندارمه دائره سنه مأمور ايدلشدر . [۲۱ اغستوس ۱۲۹۶] .

او ائشاده عموم ژاندارمه دائره مركزيهسى تشكيلاتى بوجه آتى ايدى .

رئيس عمومى (رئيس اول)

رئيس ثانى

شعبه مديريتى

• مدير معاون اولى

• مدير معاون ثانيهسى

باش كاتب

برنجى قسم : محاسبات

ايكنجى قسم : يوقلمه و ژورنال

اوچنجى قسم : تحريرات و اوراق

تنسيقاته باشلانمى متعاقب سعيد پاشا صدارتدن انفصال ايتمش اولديغندن تشبثات واقعه تماماً عقيم قالدى . ژاندارمه تشكيلاتى اجرا ايچون كتير تيلن اجنيلرده قونطور اتورلرينك ختامى متعاقب مملكه تارينه عودت ايتدكلرندن ويكى پاييلان ژاندارمه

نظامنامه لایحه‌سی ده تصدیقه اقتران ایتدیکندن تام ۲۸ سنه یعنی مشروطیته قدر ژاندارمه ، یاری ژاندارمه یاری ضبطیه اوله رق فقط عسا کر ضبطیه تشکیلات و ترتیباتی محافظه ایتک اوزره بر دور تذبذب یاشامشدر .

* *

متفسخ و مطرود عثمانلی خاندانک جبین و ظالم بر عضوی اولان عبدالحمیدک دوری ملتزمک انکشاف یولنده غائب ایتدیکی غیر قابل تلافی بر زمانی تشکیل ایدر . سلجوق سلطنتک انقراضی اوزرینه آناتولی تورک‌لرینی طوبیلایه رق بر دولت تشکیلی صورتیله بدایه بویوک غیرتلی صرف ایتش اولان بو خاندانک قاتل و سفیل اولادرینک بالذات ملتزمه و مملکت‌مزه یاپدق‌لری فنا‌لق‌لری هیچ بر دشمن یابامامشدر .

عبدالحمید دورینک ده بیک درلو ردانت و فضاحتله افلاسه یوز طوتدینی صره ده [۱۳۱۹ سنه سنده] مداخله اجنبیه تأثیریه روم ایلیده اصلاحات اجراسنه مجبور اولان سرای ، ماکدونیا ، ولایات ثلاثه ، یعنی (سلانیک ، مناستر ، قوصوه) ولایت‌لرینه منحصر اولق اوزره ژاندارمه تشکیلات و تنسیقاتی یاپیلمسینه موافقت ایتدی . سلانیکه ژاندارمه هیئت تنسیقیه‌سی نامیله کلن اجنبی ضابط‌لری ده ژورژیس پاشانک (ایتالیان) ریاستی آلتنده بر ژاندارمه نظامنامه‌سی تنظیم و ژاندارمه افراد ، کوچوک ضابطان و ضابطانی ایچون مکتبلر آچاراق تنسیقاته باشلادیلر . باب‌عالی ، اجنبی ژاندارمه ضابط‌لرینک تنظیم ایتدک‌لری ژاندارمه نظامنامه‌سی قبول ایتک اضطراری قارشیسنده قالدیغندن کویا تورکیه ده ژاندارمه وارمش و بر نظامنامه‌سی ده موجود ایتش کی علی‌العجله بر ژاندارمه نظامنامه‌سی ترتیب ایتدیره رک سلانیکه یوالادی که ۹ کانون ثانی ۱۳۱۹ تاریخلی اولان بو نظامنامه ده ۵ جمادی الاول ۹۷ تاریخلی نظامنامه کی تصدیق ایدلمه مشدر . هیئت تنسیقیه ، اوزمانکی اداره نک احوال روحیه‌سی پک ای بیلدیکندن نظامنامه اوزرنده مناقشه‌یه کیریشمیه رک (مقررات تنسیقیه) نامیله وجوده کتیردیکی تعلیمات‌نامه لرله مدھش براغتشاش و مجادلات سیاسیه ایچنده بولان روم ایلیده پک آز زمان طرفنده منتظم و مدنی و اوروپائی بر تورک ژاندارمه‌سی تشکیله موفق اولدی .

هيئت تنسيقيہ نك سلائيكدہ بولمسي وروم ايلي مفتش عموميلكنه مربوط اولمسي
موفقياتك باشليجه اسبابندن عد اولنه بيلور .

افراد وضابطان مرتباتي اردو منبعندن آلان بو تشكيلات ، تورك قابليتت پارلاق
بر صورتده تجليسنه ، اداره مملكت ، انتظام و ترقيرورلكدہ كي استعدادينك يوكسكايكني
كوسترمسنه وسيله بخش اولدي . بو مناسبتله ۳۲۲ سنه سنده سلائيك افراد جديده
مكتبنك ختام تدریساتي مراسمنده ده ژورژيس پاشا طرفندن ایراد اولنان نطقك بر
پارچه سني درج اتمكك بر ذوق معنوی طویمقدم .

افراد جديده مكتبلرينك مدت تدریسيه سي بر سنه اولديغندن مكتبه امی اوله رق
كبرن افراد اوقور یازار اوله رق ، چيقمقدمه ايديلر كه ، ختام مراسمنده افرادك
اكتساب ايتدكلری معلومات مدعوينه كوستريلوردی . بو وجهله نفرلر ، برر برر
قالدیرله رق توركجه سويله ن هر سوزی سیاه تحته يازدقدنصوكره ، هيئت تنسيقيه رئيسي :

[ايسته افنديلر ! بو نفرلر مكتبه امی اوله رق كيرديلر . اوقور یازار وعینی زمانده
آئي بر ژاندارمه وآئي بر عسكر اوله رق چيقيورلر . بونلری يتشديره نلر اجنيلردكلدر .
هيچ بريمز توركجه بيلمديكمز كي تورك اردوسنه عائد تعليم و تربيه اساسلرينده واقف
دكار . بونلری يتشديره نلر منحصرأ تورك ضابطلريدر . بزم كنديلرينه ناچيز بر معاومتز
اولديسه اوده اصول مساعي بي تنظيم و كمال جديتله تعقيدن عبارتدر .]

بو محويتروور بر قاچ كلمه ايچنده اوزمان ايچون اعتراف ايدلك لازم كليرسه بوبوك
پر حقيقت مندميچ ایدی . اصول اداره و مساعينك تنظيم ، تعقيب و تفتيش اولنه مامسي
بك بيهوده و لزومسز صورتده قوت و زمانك صرف و هبا اولمسي ايجاب ايتديرر .
بونككله برابر اوزمانه ياپيلسه مشؤم سراي اداره سي حكمفرما اولدقجه هب بيهوده
هب موقت و دوامسز ایدی .

* *

۳۲۴ده مشروطيتك اعلانی اوزرينه ، انقلاب و حریت مفكوره سنك بر درجه به قدر
مملكتك اداره سنه حاكم بر وضعيته كلمسي تأثيريله روم ايلیده وجوده كتيريلن ژاندارمه

تشکیلاتی ملی لشدر ملک صورتیله بوتون مملکته تشمیل قلندی و حربیه نظارتیه مربوط اولان عموم ژاندارمه دائره مرکزیه سی ده عموم ژاندارمه قوماندانلغنه تحویل اولندی.

[ایلک عموم ژاندارمه قوماندانی ، فریق حاجی پاشادر]

او ائنده ضبطیه نظارتی ده عمر تاریخینسی اکمال ایدرک امنیت عمومییه مدیرینه قلب ایدلدی . [ایلک امنیت عمومییه مدیری ده قیمتی ژاندارمه ضابطانندن میرالای غالب بکدر . (فریق غالب پاشا)]

روم ایلیده اجنبی ضابطاننک وظیفه و اصول مساعی بی تنظیم و تعقیب خصوصنده وبالخاصه معاملات ذاتیه مسائلنده فوق العاده حقینانه و بی طرفانه حرکت و اصول معاشرت و انتظام و ورلکده ضابطانغزه مفید برطرزده رهبرلک ایدرکری بالتجربه ثابت اولدیغندن مشروطیتک اعلانی اوزرینه مملکتلرینه عودت ایدن اجنبی ضابطانندن بر قسمی تکرار حکومتجه ژاندارمه ده ایفای خدمته دعوت ایدلمش و هیئت تنسیقه عنوانی قالدیریلهرق ژاندارمه مفتش عمومیلکی احداث ایدلمشدر .

[ایلک ژاندارمه مفتش عمومیسی قونت رویلان پاشادر (ایتالیان)]

بوتون مملکت ژاندارمه منطقه مفتشلکترینه تقسیم ایدیلهرک هر منطقه یه بر اجنبی منطقه مفتشی تعیین و رفاقترینه ده تورک ژاندارمه ضابطانندن معاون و برلمشدر . اجنبی ضابطان خدمت دولته بولندقلری مدتیجه عیناً تورک ژاندارمه ضابطی اونیفورمه سنی حائر بولونیورلردی . نقل ، تعیین و تحویللاری ده دیگر ژاندارمه امراسی حقنده اولدینی و جهله هیئت تفتیشیه نیک رأی و مطالعه سی آله رق عموم ژاندارمه قوماندانلغنجیه انها ایدلمکده ایدی .

بر ایکی سنه ایچنده آناتولی ، سوریه ، عراق و طرابلسده ده ژاندارمه مکتبلری آچیلهرق منتظم ژاندارمه تشکیلات و قطعاتی وجوده کتیرلمکده باشلامش ایسه ده ایتالیا و بالقان حربلری ، متعاقباً حرب عمومی بو اساسلی تشکیلاتک نشوونما وانکشافه مانع اولدی .

بوتون مملکته تشمیل ایدیلان ژاندارمه تشکیلاتنک استقادت ایده چکی احکام قانونیه موجود اولمادیغندن ومع التأسف مشروطیتک اعلانی متعاقبده تدوین ایدیلهمدیکنندن هر نه قدره کانون ثانی سنه ۳۱۹ تاریخی « ژاندارمه نظامنامه سی » موجود ایدی ایسه ده

مجلس عمومیدن کچمدیکنندن وقانون حکم وقوتی حائز بولندیغندن مأمورین ملکیه وعدلیه کندیلرینی بو نظامنامه احکامنه رعایت خصوصنده بر مجبوریّت قانونیه تختنده کورمیورلردی . مأمورین ملکیه وعدلیه ایله ژاندارمه ضابطانی آراسنده کی اختلافده باشلیجه بوندن نشأت ایدیوردی .

بو اختلافاتک حل وفصلی ایچون اتخاذ وتطبیق اولنان مقرراتده قطعی بر تأثیر حصوله کتیره مییوردی . بالخاصه عدلیه ومحاکم ژاندارمه ایچون مابهالتطبیق اولمق اوزره ۹ حزران سنه ۲۸۵ تاریخی عساکر ضبطیه نظامنامه سنی طانیقده ومأمورین ملکیهده ژاندارمینی بو نظامنامه احکامی دائره سنده استخدام ایتمک ایسته مکده ایدیلر . رؤسای مأمورین ملکیه میاننده مکتب ملکیهده تحصیل کورمش اولانلر پک آزاوادینی کبی بونلرده معینده سوق واداره ایده جککری ژاندارمه حقنده کافی معلومات ویرلیوردی . بر ماکنه یی موفقیتی صورتده قوللانه بیلیمک ایچون ماکنه نک بوتون قرضاتی بیلیمک ایجاب ایدر . مأمورین ملکیه نک هر حالده مکمل بر ژاندارمه ضابطی کبی ژاندارمه نک بوتون تشکیلات، خدمات ومعاملات عمومیه سنی بیلیملری ایجاب ایدیوردی .

۹ کانون ثانی ۳۱۹ تاریخی « ژاندارمه نظامنامه سی » وژاندارمه عموم قوماندانلارنجه نشر وتعمیم اولنان تعالیماتملر ؛ ژاندارمه نک وظیفه وصلاحتی تعین وتحدید ایتمکده وبالعموم ژاندارمه خدمات ومعاملاتندن دولایی هر رتبه اصحابنه تعین مسئولیت ایتمکده وژاندارمه معاملات ذاتیه سنی ژاندارمه مفتشلرینک مراقبه سی تختنده رأساً تدویر ایتدیرمکده اولدیغندن بو وضعیت، صلاحیت ومسئولیتیرینه تجاوز قاقی ایدن مأمورین ملکیه یی علی الدوام شکایاته سوق ایتدیکندن نهایت حکومت ، ۲۱ صفر ۱۳۳۰ و ۲۸ کانون ثانی ۱۳۲۷ تاریخی شو قانونی نشر ایتدی :

ژاندارمه قانون موقتي

۱ — دولت عثمانیه ژاندارمه سی امنیت و آسایش مملکتی و قوانین و نظامات موضوعه و اوامر دولتک اجرای احکامی تأمین ایچون تأسیس اولنش بر هیئت انضباطیه در .

۲ — عموم ژاندارمه قوماندانلی قوانین و نظامات عسکریه ایله معین اولان ضابطانک ترفیع مراتبی و اصول تربیه عسکریه سی اعتباریه حربیه نظارتیه و امنیت و آسایش مملکته متعلق کافه خدمات و وظائفده و قوانین و نظامات و اوامر دولتک اجرای احکامنده استخدام اعتباریه داخلیه نظارتیه مربوطدر . بناء علیه ، ژاندارمه قوتی بو خصوصاتده بولندی منطقه نك الك بیوک ملکیه مأمورینک امریه حرکت ایدر .

۳ — عموم ژاندارمه قوماندانلی ژاندارمه قوای مرتبه سنک نخل آسایش احوالک منعه مقتدر اوله حق صورتده حسن استخدامدن مشمولدر .

۴ — والیر داخل ولایتده کی ژاندارمه قوتی تقدیر ایده جکاری صورتده مواقع لازمه توزیع و استخدام صلاحیتی حائز اولدقلرندن ولایتده کی ژاندارمه هیئتلیری بو خصوصاتده و ولایتک امور انضباطیه سنه ، قوانین و نظاماتک و اوامر دولتک تطبیق و اجراسنه تعلق ایدن کافه وظائفده طوغریدن طوغرییه والیه مربوطدرلر .

۵ — ژاندارمه عموم قوماندانلی، ضابطان و افراددن حققلرنده شکر و شکایت واقع اولانلری ایچون صلاحیت عسکریه سی استعمال ایدرک سریعاً معامله قانونیه بی اجرا ایله مکفدر .

۶ — ژاندارمه قوتی مسلح بر هیئت انضباطیه اولمق اعتباریه عندالایجاب محافظه

امنیت و آسایشه مأمور اولان صنوف مختلفه عسکریه نك تطبيق ايله مكلف اولدقاری. بیک اوچوز یکریمی آتی تاریخی تعلیمات دائره سنده حرکت مآذوند. بو تعلیمات احکامی اجرا صره سنده ژاندارمه لرك وظیفه لرینی تجاوز صورتیه وقوعه کتیردکاری. ادعا اولنان افعالن دولای تعقیب و محاکمه لری دیوان حربه عائددر .

۷ — اشبومواد موقتہ قانونیه تاریخ نشر و اعلانندن اعتبار آمرعی و معتبر اوله جقدرد.

۸ — بو قانونك اجرای احکامه حربیه و داخلیه نظارتلری مأمورددر .

بو قانونك نشریده مقصدی تأمین ایده مدی. و شکایاتك توالیسنه مانع اوله مادی. یالکیز ژاندارمه یی تنسیق و اصلاح ایدرك دوائر سائرہ حکومتی حال سابقده برابق و اہمال ایتمکدن باشقه هیچ بر اساسه استناد ایتمیان بو اختلافات و شکایات ظن اولنیوردی که ژاندارمه یی مأمورین ملکیه نك بلا قید و شرط امرینه ویرمکه بر طرف اوله جقدرد .

حالبوکه دولتک قوای ضابطه سی ۶۹۹ تاریخندن ۱۲۹۵ تاریخنه قدر تام ۵۹۶ سنه یعنی آتی عصر بلا قید و شرط رؤسای مأمورینك خدمتہ شخصیه سی مایه نده ایدی . و هیچ بر زمان بومدت ظرفنده مال، جان و عرض محفوظیتی و مصونیت شخصیه تأمین ایديله مامشدی. عصر لرحه تجربه ایدلمش بر شیئی تکرار تجربه قالدیشمق معنا سزدی . ژاندارمه یی بلا قید و شرط مأمورین ملکیه نك امرینه ویرمک تجربه سنه قالدیشیله جفنه کرک مأمورین ملکیه و کرک ژاندارمه نك وظیفه و صلاحیتلرینی غایت دقیق اوله رق تعیین ایتمک و هر مأموره ایفاسیله مکلف اولدینی وظیفه نك مسؤولیتی تحمیل ایلمک و بو مأمورلری مسلک لرینه واقف اوله رق یتشدیرمک و حسن انتخاب ایتمکده بردفعه اولسون تجربه ایدلسه یدی هر حالده اختلافات اساسندن و ابدیاً حل ایدلمش اولوردی. حقیقی اختلاف جهت مربوطیت کی فرعده دکل اصلده ایدی .

بر محاسبه جینك، بردفردارک مالیه نظارتنه مربوطیتی يك طبیعی کورولدیکی حالده سلاحی اولقی حسیله ضبط و ربط ، عسکری بر اطاعت و انقیاد و تعلیم و تربیه ، تسلیح و لباس کی خصوصانده ژاندارمه نك عسکری مقسامه مربوط اولسی غیر قابل تحمل کوریلدیوردی . دنیاده نه قدر مدنی دولت و ارسه کافه سی بو صورتله اداره ایدیلیر کن بونك

عكسنى التزام ايتك جداً شايدان تأملدى . عسكرى سلسله مراتب اورته دن قالقدينى كون . مساح بر قطعه نك انتظامى قالماش ديمكدر . كوچوك عسكرى جزء تاملر كندى كنديلرينه اداره ايدلك امكانى اولسه يدى بويله سلسله مراتبه ودرجه درجه برچوق مافوق مقاماته لزوم قاليرمىدى ؟ هر حالده ژاندارمه نك مسلح اوله رق استخدام ايديله جكهنه نظراً بونك احكام واساسات عسكرييه تابع بولمى ضروريدر .

بر قاچ سنه صوكر ا بو قانونك ده عدم كفايه سنه قناعت كنيريله رك ژاندارامىي دها فضله مأمورين ملكيه نك امرينه ويرمك مقصديله ۱۳ تشرين اول ۳۳۳ تاريخلى قرارنامه نشر اولندى .

ژاندارمه نك وظائف و تشكيلات اساسيه سيله جهت مربوطيتي حقننده قرارنامه

ماده ۱ — دولت عثمانيه ژاندارمه قوتى ؛ امنيت و آسايش مملكتى وقوانين و نظامات موضوعه نك تأمینی ایچون تأسیس اولنمش برهیت عسکریه انضباطیه دره.

ماده ۲ — ژاندارمه نك تشكيلاتى ، تسليحى ، تعليم و تربيه سى ، ضبط و ربطى و سفر برلکده صورت استخدای حربيه نظارته ، آسايش مملکت وقوانين و نظامات موضوعه نك اجرای احکامنه متعلق خصوصاً استخدای داخلیه نظارته عائد اولوب بوتقاطه نظراً هر ایکی نظارته مربوط عموم ژاندارمه قوماندانك تحت اداره سنه مودود عدره .
عموم ژاندارمه قوماندانى قول اردو قوماندانى صلاحيتى حائزدر .

ماده ۳ — ژاندارمه قوته مخصوص اسلحه نك انتخابى و ملبوساتك شكلى حربيه نظارته عائددر .

ماده ۴ — ژاندارمه افراد مرتبانتك ولاياته توزيى داخلیه نظارتنك صلاحيتى جمله سندندر . والير و مستقل متصرفلر ولايات والويه مستقله داخلنده کى ژاندارمه قوتك لزوم و احتياج کوريله چك مواعنه موقتاً سوق و اقامه سنه مآذوندرلر .

ماده ۵ — ژاندارمه عموم قوماندانى حربيه و داخلیه ناظرلرينك مشترك انھاسى ايله واركان رتبه سنده بولناظر واشبور رتبه مواعنه تعيين اولنه چقلرله ژاندارمه آلاى و طابور قوماندانلرى و بونلره معادل مقاماته تعيين اولنه چقلر ژاندارمه عموم قوماندانك انتخابى و داخلیه نظارتنك انھاسيله با اراده سنيه و بونلرک مادونى رتبه ده کى ضابطان

ژاندارمه عموم قوماندانك انتخاب و داخله نظارتك تصدیقه تعیین اولنورلر. آنجق بلك وطاقم قوماندانلرندن انضباط و آسایش محلی اقتضاسیجه تبدیل موقعلرینه وایشدن ال چكديرلرلرینه ژاندارمه آلای و مستقل طابور قوماندانلری صلاحیتداردر. اشبو معامله نك اکتساب قطعیت ایتیمی عموم ژاندارمه قوماندانك تصویبه وابسته در .

ماده ۶ — ژاندارمه افرادی نظامنامه سنه توقیفاً اون طقوز یاشنی اكمال ایتیش و هنوز معاینه اتمایه لرینه باشلانامش افراد ایله سنلری اوتوز بشی متجاوز اولیان افراد احتیاطیه دن کؤکلؤ اوله رق تدارك ایدیلور. و هر حالده ژاندارمه مکتبلرنده اكمال تحصیل ایلد کدن صوکره استخدام ایدیلورلر .

ماده ۷ — ژاندارمه ضابطانك ترفیع رتبه سی و ضم قدمی اردوده کی ضابطان ترفیعی حقنده جاری اولان قوانین و قواعد تابع و داخله نظارتك انضمام موافقتیه حربیه نظارتنه عاندر. کؤچوک ضابطان نظامنامه مخصوصنده تعیین اوله حق شرائط و اوصاف لازمه بی حائز اولانلر داخله نظارتجه اداره مأموریتنه نقل و تعیین اوله بیلورلر .

ماده ۸ — ژاندارمه قادروسنه مقتضی ضابطان اردوده لااقل ایکی سنه خدمت ایله مش پیاده و سواری ضابطانندن تدارك اولنور .

ماده ۹ — سفر برلكك اعلاننده سفرلك دوامی مدتیه منحصر اولق و سفر برلكك ختامنده وظائف اصلیه سنه اعاده اولمق اوزره موجود ژاندارمه افرادینك ثلثانی و ضابطانك نصفی حربیه نظارتك امریه اعطا اولنور. آنجق بوصورتله ژاندارمه قادروسنده حصوله کله جك افراد نقصانی افراد احتیاطیه و مستحفظه ایله اكمال ایدیلور.

ماده ۱۰ — هر محلك ژاندارمه قوماندانی معیتلرینك امر و اداره و تعلیم و تربیه سندن و منطقه لری امنیت و آسایشندن و ژاندارمه یه مرتب وظائف مختلفه نك ایفا سندن دولای مافوقلرینه قارشو مسئول اولوب امنیت عمومیه بی محافظه و آسایشك بقاسنی و قوانین و نظامات دولتك اجرای احکامنی تأمینه متعلق معاملاتدن دولای مرجعلری محلك اك بیوك ملكیه مأموریدر .

ماده ۱۱ — محلك اك بیوك ملكیه مأموری طرفندن قانون دائره سنده و قوعبولان

تبليغات و طلبی زاندارمه قوماندانلری ایفایه مجبوردر. مأمورین ملکیه نك تبليغات و طلبی اوزرينه واقع اولان اجرا آدن متحدث مسئولیت ملکیه مأمورینه عائددر .

ماده ۱۲ — ژاندارمه ارکان ، امرا و ضابطانك قوانین عسکریه مخالف و جرائم عسکریه دن معدود اولان احوال ایله محافظه آسایشه مأمور قوه مسلحهك نظاماً ماڈون اولدینی احوالده سلاح استعمالدن منبعت دعاوینك تعقیب و محكمه سی دیوان حربله عاڈدر. بالاده ذكر ایدیان احوالدن ماعدا ژاندارمه منسوبینك جرائم شخصیه لرندن دولای محاکمه لری ضابطان و افراد و منسوبین عسکریهك تابع اولدقلری قوانین دائره سنده جریان ایدر. آنجق وظائف ملکیه لرینی ایضا صره سنده ویا ایضا مقصدیله ایقاع استدکاری جرائمن دولای محاکمه لری مأمورین محاکمی حقنده کی قانونه توقیفاً اجرا اولنور.

ماده ۱۳ — ژاندارمه بودجه سنك آمر اعطایی داخلیه ناظریدر .

ماده ۱۴ - تخصصات و معائنات تعلقی اینند و در ماعداد الزامی مقررہ کی بالعموم قوانین اسبق قرار نامہ نیک شمرندہ اعتبار مفسر ہوں۔

ماده ۱۵ — اشبو قرارنامه تاریخ نشرندن اعتباراً مرعی لاجرادر .

ماده ۱۶ — اشبو قرارنامهك تطبيق احكامنه حربيه وداخليه ناظرلرى مأموردرد.
اليوم تعديلاً مابه التطبيق اولان بو قرارنامهده ژاندارمهك جهت عسكرىيه
مربوطيقى صرف امور عسكرىيه حصار ايدلشكن ينه نظر ممنونيت و خوشنودى ايله كورولمىدى.
ژاندارمه، سوق، اداره و استخدام و هر درلو خدمات مختلفه اعتباريله مأمورين ملكيهك
امر ينه و يرلش بولندينى حالده ينه مطلوب انتظام اداره حصوله كله مه مشدى . نهايت ،
حرب عمومى متاركه سنده ۱۵ مائس ۳۳۵ تاريخلى قرارنامه نشر ايدلدى :

ژاندارمه‌نك داخلیه نظارتیه و بطی حقنیده قرارنامه

ماده ۱ — عموم ژاندارمه قوماندانی هر درلو امور و معاملاتیه داخلیه نظارتیه ربط اولمشدر .

ماده ۲ — ژاندارمه‌نك وظائف و تشکیلات اساسیه بهت مربوطیتی مقننه ۱۳ تشرین اول ۱۳۳۳ تاریخلی قرارنامه‌نك بوط مخالف اصطلاحی مفقادر .

ماده ۳ — ژاندارمه ضابطان و افرادی‌نك اصول تعیین و ترفیع‌لیله عندالحاجه محاکمه‌لری و خصوصات سائره‌سی دیگر برقرارنامه ایله تنبیت اولنه‌جقدر .

ماده ۴ — اشبو قرارنامه تاریخ نشرندن اعتباراً مرعی‌الاجرادر .

ماده ۵ — اشبو قرارنامه‌نك اجراسنه داخلیه ناظری مأمورددر .

بدایت تأسیس‌نده ضابطیه مشیرتی قتالی واسطه‌سیله داخلیه نظارتیه مربوط اولان عساکر ضابطیه ، ۶ تشرین ثانی ۱۲۹۵ تاریخنده حربه نظارتیه ربط ایدلش ۱۵ مایس ۳۳۵ تاریخنده ژاندارمه عنوانیه تکرار داخلیه نظارتیه اعاده ارتباط ایلمش اولدیغندن ژاندارمه‌نك امور عسکریه‌دن دولانی جهت عسکریه‌یه مربوط قالدینی مدت ۳۹ سنه‌آی ۱۲۵ کوندن عبارتدر .

جمهوریت ؟ بوتون مملکتلر کبی ژاندارمه‌بی‌ده معنأ و مادهٔ پریشان بر حالدہ استخلاف ایتمشدر . عصرلرک بریکدی‌ردیکی سوء اداره‌بی کو کفندن واساسندن رفع و قلع

ایتمش اولان جمهوریت نظرندہ بر ژاندارمه مسئلہ سی یوقدر بوتون بر وطن بوتون ملت و بوتون بر دولت مسئلہ سی واردر . منفرداً ژاندارمه نك و یاخود مالیه نك اصلاحی موضوع بحث اوله ماز . جمهوریت ، هیئت عمومیه سیله دولت مؤسسانك تنظیم و تنسیقی عملیہ قطعیه سنه باشلامشدر . و بو میاندہ ژاندارمه نك ده لایق اولدینی انتظام و تکمیلی احراز ایدہ جکنه شبه یوقدر .

ژاندارمه تشکیلاتك الی التنجی سنہ دوریه سی مناسبتیه یازدیغ بوتاریخی حسب حال ، بوندن صوکر اکی سنہ دوریه لردہ دها واقفانه و متبعانه یازیلہ جق اثر لرك ، نسخہ فوق العاده لرك تعقیب ایدہ جکنه امینم . محترم و سوکیلی مسلک مزك هلال و شعاعلی ییلدیزدن عبارت اولان علامت فارقه سنك دائماً تمیزناصیه لردہ یوکسلمسی و بو علامتک سوکیلی ملت مزك محبت و تقدیرینه مظهر اولمسی بوتون قلمله تمی ایدرم .

سربیل عزت

آنقره ۱۳۴۱

